



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-497-4/24**
Datum: **20.11.2024. godine**

«Agencija za vodno područje rijeke Save» Sarajevo rješavajući po zahtjevu investitora Dario Blagojević iz Lukavca, za donošenje rješenja o vodnoj dozvoli za ispuštanje otpadnih voda sa lokacije stambeno-poslovnog objekta u postupku legalizacije, namjena poslovnog objekta je automehaničarska radionica, u naselju Puračić, Lukavac, na osnovu člana 109. stav (1). tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE o vodnoj dozvoli

1. Investitoru Dario Blagojević iz Lukavca, daje se vodna dozvola za ispuštanje otpadnih voda sa lokacije stambeno-poslovnog objekta u postupku legalizacije, namjena poslovnog objekta je automehaničarska radionica, u naselju Puračić, Lukavac, na zemljištu označenom kao k.č. br. 77/4 K.O. Puračić.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da investitor Dario Blagojević iz Lukavca, obezbjedi da se sistem za prikupljanje, prečišćavanje i ispuštanje otpadnih voda sa lokacije automehaničarska radionica, u naselju Puračić, Lukavac održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da investitor u toku važenja ovog rješenja o vodnoj dozvoli, izvrši radove na sistemu za prikupljanje, tretman i ispuštanje otpadnih voda, po projektnoj dokumentaciji-Glavni projekat sakupljanja, tretmana i ispuštanja otpadnih voda sa načinom vodosnabdijevanja stambenog poslovnog objekta, stambena jedinica + automehaničarska radnja investitora Dario Blagojević iz Lukavca urađen od strane „TQM“ d.o.o. Lukavac, mart 2024 godine.
 - 3.3. Čišćenje rezervora i otpadnih ulja u objektu odnosno separatora nakon ugradnje, te odvoz i konačno zbrinjavanje mulja i taloga, kao i opasnog otpada sa lokacije predmetne automehaničarske radionice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.6. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.7. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda, tačka 12. i 13. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 1 (jedne godine) godina od dana pravosnažnosti ovog rješenja.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Investitor Dario Blagojević iz Lukavca, zahtjevom zaprimljenim dana 19.09.2024. godine se obratio ovoj Agenciji za donošenje rješenja o vodnoj dozvoli za ispuštanje otpadnih voda sa lokacije stambeno-poslovnog objekta u postupku legalizacije, namjena poslovnog objekta je automehaničarska radionica, u naselju Puračić, Lukavac, na zemljištu označenom kao k.č. br. 77/4 K.O. Puračić.

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjerena kopija lične karte Dario Blagojević iz Lukavca,
- Rješenje o naknadnom odobrenju za građenje broj: 05-19-511/24 od 08.07.2024 godine izdato od strane Službe za urbanizaciju, imovinsko i geodetske poslove, Grad Lukavac- kopija,
- Rješenje o vodnoj saglasnosti broj: UP-1/21-2-40-168-3/24 od 24.05.2024. godine izdato od strane «Agencije za vodno područje rijeke Save» Sarajevo,
- Potvrda broj: 37/23 od 25.07.2023. godine od strane MZ Puračić,
- Rješenje o obavljanju djelatnosti broj: 03-17-3550/22 od 19.10.2022. godine izdato od strane Službe za društvene djelatnosti i upravu, Grad Lukavac,
- Izvještaj o ispitivanju voda na lokaciji automehaničarska radnja investitora Dario Blagojević iz Lukavca urađen od strane „TQM“ d.o.o. Lukavac, septembar 2024 godine.

B. Tehnička dokumentacija

- Glavni projekat sakupljanja, tretmana i ispuštanja otpadnih voda sa načinom vodosnabdijevanja stambenog poslovnog objekta, stambena jedinica + automehaničarska radnja investitora Dario Blagojević iz Lukavca urađen od strane „TQM“ d.o.o. Lukavac, mart 2024 godine.
- Revizija Glavnog projekta od strane „EUROING“ d.o.o. Bihać mart 2024 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-497-2/24 od 15.11.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija izgrađenog stambeno-poslovnog objekta - namjena poslovnog objekta je automehaničarska radionica, nalazi se u naselju Puračić, Lukavac, na zemljištu označenom kao k.č. br. 77/4 K.O. Puračić.

Za aktivnost ispuštanja otpadnih voda na predmetnoj lokaciji izdata je vodna saglasnost za investitora, Rješenje o vodnoj dozvoli broj: UP-1/21-2-40-168-3/24 od 24.05.2024. godine izdato od ove Agencije na projekat po kome su se trebali izvesti radovi na terenu.

Prilikom uviđaja utvrđeno je da na terenu nisu izvedeni radovi na sistemu za prikupljanje, tretman i ispuštanje otpadnih voda.

U automehaničarskoj radnji se vrši servisiranje motornih vozila i ostale aktivnosti u sklopu predmetnog poslovnog objekta.

Tehnološke otpadne vode će nastajati iz poslovnog objekta usljed korištenja vode za čišćenje i pranje autodijelova i radnog prostora ili incidentnog rasipanja ulja, nafte i slično kao i sa manipulativnih i asfaltnih površina.

Ove vode se trenutno sakupljaju unutar objekta u rezervoru namijenjenom za otpadna ulja prilikom servisa auta. Po izjavi podnosioca zahtjeva iste se zbrinjavaju od strane ovlaštene firme KEMEKO BH d.o.o. Lukavac.

Po izjavi podnosioca zahtjeva radove na sistemu za prikupljanje, tretman i ispuštanje otpadnih voda, a po već urađenoj projektnoj dokumentaciji, će se izvesti u narednom periodu a ovisno o vremenskim uslovima. O izvedenim radovima podnosilac zahtjeva će obavijestiti ovu Agenciju.

Imajući u vidu navedeno je dat rok važenja ovog rješenja u trajanju od 1 (jedne) godine.

Podnosilac zahtjeva je pribavio Rješenje o naknadnom odobrenju za građenje od nadležnog organa.

U projektnoj dokumentaciji je dato tehničko rješenje prikupljanja i tretmana otpadnih voda koje nastaju kod servisiranja vozila i pranja prostora u kome se vrši servisiranje te u slučajevima rasipanja medija (ulje, nafta i sl.) sa manipulativnih površina. Predviđeno je da se ove vode se putem slivnih rešetki sakupljaju i odvođe na tretman u separator ulja i masti sa koalescentnim filterom bez bypassa. Prečišćena voda se preko okna za monitoring ispušta mjesni kanalizacioni kolektor.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, Dario Blagojević iz Lukavca ispunio minimum uslova za izdavanje vodne dozvole za ispuštanje otpadnih voda u sa lokaliteta automehaničarska radionica, izgrađene u naselju Puračić, Grad Lukavac, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- Dario Blagojević, Nikole Stjepanovića 104, Puračić, Lukavac (Prilog-Tehnička dokumentacija navedena pod tačkom B obrazloženja Rješenja)

⊙ AVP Sava, ISV-vodna knjiga

- Org.jed. 50

- Org.jed. 40-arhiva

- Oglasna tabla AVP Sava Sarajevo